



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Deputationis Cappellani Form. XXIII.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

33. **RICONOSCERE IVOTI LEGITIMI, ED ESCLUDERE LE INCAPACI.** Cum Episcopus in electione Abbatissarum Monasteriorum ipsi subditorum tanquam præsens, sit Iudex de iis, quæ pertinent ad directionem electionis, certum est, quod potest inquirere super legitimatione vocalium saltem extrajudicialiter, ut possit malam, vel nullam electionem evitare, & ne contingat post secutam electionem opponi, vel excipi contra electrices, vel contra electam: Melius est enim nullitatem prævenire, quam post factam electionem illam infirmare, & electam dejicere, juxta commune dictionem, quo uruntur juristæ, quod turpius ejicitur, quam non admittitur hospes, apud Surd. *conf. 64. n. 7.*

34. Hæc tamen velim accipias, quod Episcopus, hujusmodi prævia extrajudiciali informatione procedere debeat ad electionem Abbatissæ ad cauthelam, & ut Moniales ita monitæ ab illicitis abstineant, & ad bonam electionem illas disponat, non autem, quod hoc teneatur præmittere de jure, ac pro validitate electionis: Quia *Concil. Trid. c. 7. sess. 25. de Regul. talem formam non præscripsit, neque ejus Canon. in cap. de indemnitatibus de elect.* inquisitionem hanc præcedere debere determinat: Sed ibi Papa mandat; quod tùm ex officio, tùm ad oppositionem partis de defectibus electæ cognoscat antequam confirmationem concedat, ut in *S. si verò*, ibi — *Si verò ad illam, quæ à majori parte (ut præmittitur) est electa, noluerint aliæ accedere Moniales: Vel si accesserint non tot tamen, quod cum aliis prius in eam consentientibus faciant duas partes: Tunc super*

objectibus partis alterius, si qui fuerint, & super aliis quæ in tali negotio sunt ex officio inquirenda, plenè, sine strepitu judicii, & figura per Superiorem inquiretur primitus antequam confirmetur eadem electio, vel etiam infirmetur.

Deputationis Cappellani.

FORMULA XXIII.

SUMMARIUM.

- 1 Sacerdos Regularis non debet inservire pro Capellano in Ecclesia Monialium, nisi in casu magnæ penuriæ Sacerdotum secularium.
- 2 Onus celebrationis Missarum injunctum Regularibus in Ecclesia Monialium transfertur ad eorum Ecclesiam.
- 3 Capellani Monialium non debent esse juvenes.
- 4 Episcopus potest prohibere Presbyteris secularibus, ne celebrent in Ecclesiis Monialium exemptarum.
- 5 In Ecclesiis Monialium non sepeliuntur cadavera secularium absque licentia Sacre Congregationis.
- 5 Cappellanus Monialium potest Missam celebrare de Sancto cujus officium à Monialibus recitatur.
- 7 Cappellanus Monialium non debet alium Presbyterium substituere sine licentia Episcopi.
- 8 Capellani Monialium debent esse amovibiles.

N. Episcopus N.

Dilecto Nobis in Christo Presbytero seculari N. Tibi, ut asseris ab omni re-
sidentie onere, aliaque obligatione libero, cognita ætate, ac per exam-
men sacrarum caeremoniarum peritia, & à fide dignis morum, & vitæ honestate,
& probitate, per præsentem tanquam Cappellano facultatem, & licentiam da-
mus Missæ Sacrum faciendi in Ecclesia exteriori Monialium Monasterii N. ho-
ris opportunis, servatis infra scriptis conditionibus.

Decentem Clericalem tonsuram, & coronam cum habitu talari semper
deferas.

Cum

Cum Monialibus, aut aliis Mulieribus intra Clausuram degentibus (exceptis Monialibus Sacristis pro rebus ad Sacrificium Missæ, & ornatum Ecclesiæ tantum) non loquaris sub pœnis arbitrio.

Pro eleemofyna Missæ quotidianæ nil aliud recipias, quàm solitam; Missæ Sacrum ne facias sine Ministro idoneo, eoque decenti habitu induto.

Sacrum *per te ipsum* hora præscripta facies. Præsentibus *ad nostrum beneplacitum* valituris. Datum &c.

N. Episcopus (five Vicarius Generalis N.)

N. Cancellarius.

ADNOTATIONES.

PRESBITEROSÆCULARI.

Regulares non debent infervire pro Capellanis in Ecclesiis Monialium, nisi in casu magnæ penuriæ Sacerdotum sæcularium: Et tunc Religiosus deputandus de consensu sui Superioris sit ætate, & moribus gravis cum prohibitione expressa, quod cum Monialibus nullo modo loquatur, Nicol. *fosc. verb. Cappellanus num. 11.*

2. Quia Regulares non solum sunt prohibendi, ne Missam celebrent in Ecclesiis Monialium, sed si eis ab aliquo Testatore reperiatur injunctum onus ibidem celebrandi, tale onus potest, immò & debet transferri ad eorum Ecclesiam, vel alibi, prout laudando provisionem *Sac. Congr. Episc. rescripti Patriarchæ Veneto 15. Junii & 8. Augusti 1592.*

3. **ÆTATE.** Cappellani Monialium non debent esse juvenes, Nicol. *in fosc. verb. Cappellanus num. 10.* sed provecti quia in seniore præsumitur major probitas, *cap. Si officia 59. dist. & morum gravitas, cap. Porro 84. dist.* At quia in Civitatibus, & locis parvis senes, & provecti non inveniuntur, prudentiæ Episcopi remittitur, ut etiam juvenes pensatis loci, & facti circumstantiis debeat admittere, dominodò sint præditi bonis moribus, & fama de eis bene loquatur.

4. **TAM QUAM CAPPELLANO.** Nam Presbyteri sæculares, qui advocantur pro celebratione Missarum in Ecclesiis Monialium, possunt ab Episcopo prohiberi, ne accedant, quamvis Moniales exemptæ sint, aut Regularibus subiciantur, quia talis accessus pertinet

ad custodiam Clausuræ, super qua Episcopus invigilat, & jurisdictionem indiscriminatim exercet, ut respondit *Sac. Congr. Concil. in Hieracen. Visitationis 26. Januarii 1692. in responsione ad septimum.* Cappellanus autem sufficit, quod approbetur à Superiore Monasterii, *ut in dicta Hieracen. in responsione ad nonum.*

5 Cappellanus autem non potest dare sepulturam in Ecclesia Monialium Cadaveribus Laicorum five masculis, five fœminis, quamvis nobilium, & quod ibidem elegerint sepeliri, absque licentia Sacræ Congregationis, & Monialium copulative, ut pluries decretum fuit teste Nicol. *in fosc. verb. Sepultura n. 5. & Pignatell. conf. 177. num. 1. & 2. & præcisè in Forosempronien. 23. Augusti 1652. & in Gravinen. 1. Octobris 1650.* quæ Decreta denuò ad trutinam revocata, iterum *ead. Sac. Congregat. Episcop. probavit in Verellen. 18. Maii 1696.* non obstante solito, *referente Eminentiss. Card. Pamphilo:* Et ratio est, quia cum Ecclesia Monialium de jure jus sepeliendi non habeat, non possunt in ea absque privilegio, & licentia Superioris, idest Sacræ Congregationis, & in præjudicium Parochiæ, atque sine consensu simul Monialium, Cadavera tumulari, neque Sepulchra construi.

6 **MISSÆ SACRUM FACIENDI.** Cappellanus Monialium potest Missam celebrare de Sancto, cujus Officium ab ipsis Monialibus celebratur in Choro, Missali tamen Romano, in quo si Missa particularis de eodem Sancto non adest, sumitur de communi, *Sacr. Rituum Congr. apud Gavant. in Manu. Episcop. verb. Monialium Cura spiritual. n. 33. Barb. in Sum. decis.*

decis. Apostol. collect. 122. num. 4. Nicol. lucubr. Can. lib. 3. tit. 1. de vit. & honest. Cler. n. 17. ubi Decretum Sacr. Congreg. Rituum sub die 20. Novembris 1628. quod affert quoque Gavant. adducit.

7. **PER TE IPSUM**. Additur hæc clausula, ne Cappellanus arbitrium sumat substituendi alium Presbyterum non approbatum ad celebrandum in Ecclesiis Monialium, sine licentia Episcopi, sive Vicarii Generalis in casu impedimenti.

8. **AD NOSTRUM BENEPLACITUM**. Cappellani monialium debent esse amovibiles, non autem perpetui, seu intitulati, ut declaravit Sacr. Congr. Episcop. in concessione gratiæ foundationis Monasterii monialium Cappucinarum loci Caprioli Brixien. Diocesis, referente clar. mem. Card. Petrucci sub die 18. Julii 1692. in qua rescipit -- *Annuum pro funda-*

zione Monasterii juxta petita, ita tamen, ut Cappellani in Cappellaniis perpetuè erigendis sint amovibiles: juxta sancita in Concilio Aquilienti sub Clem. VIII. anno 1596. Can. 20. ubi inter dicitur celebratio Missarum in Ecclesiis Monialium Presbyteris Sæcularibus, & Regularibus sine licentia, & approbatione Episcopi.

Deputationis Prædicatoris
Monialium.

FORMULA XXIV.

SUMMARIUM.

- 1 Concionatores pro Monialibus, debent esse viri pii, & docti.
- 2 Concionatores Monialium, non possunt cum illis alloqui sub quovis prætextu.

Tibi N. cujus morum honestas, & sacrarum litterarum peritia Nobis notæ sunt facultatem concedimus, ut in Ecclesia exteriori Monasterii Monialium N. Monialibus ipsis in communi, & in interiori Ecclesia congregatis Verbum Dei è fuggestu, vel ex Altari prædicare licitè possis: Dummodò peracta concione, à quocumque singulari colloquio etiam spirituali, cum aliqua Moniali habendo, omnino abstineas, ne pœnas contra regulares alloquentes Moniales sine licentia inflictas incurras, & lethali culpa te obstringas. Præsentibus . . . duraturis. Datum, &c.

N. Episcopus N.

N. Cancellarius.

ADNOTATIONES.

1 **NOBIS NOTÆ SUNT**. Verbi Dei prædicatio monialibus ministranda, non est committenda Sacerdotibus Sæcularibus, sive Regularibus, quorum mores, & doctrina notæ non sint Episcopo, quia exindè relaxatio regulæ oritur, si hi in doctrinis variis, & peregrinis laxi sint; & è converso disciplina, & observantia Regularis solidatur, si Concinator prudens, doctus in doctrina sana, & pius eligatur,

qui valeat moniales erudire.

2. **OMNINO ABSTINEAS**. Non possunt Concionatores sub quovis prætextu moniales alloqui, aliàs incurrunt censuras inflictas in Decretis Sixti V. & Urbani VIII. quæ refert per extensum Donat. prax. rer. Regul. tom. 4. tract. 6. q. 5. & qu. 20. & in qu. 21. ubi de Concinatoribus Tamb. de jur. Abbatiss. disp. 26. q. 4. & dicam melius in Appendice Adnot. ad Decretum Urb. VIII. super accessu Regularium ad Collocutoria Monialium, ubi Sac. Congreg. Concilii resolutiones referam.

TITU.